



অবিলম্বে প্রকাশের উদ্দেশ্যে: 6/2/2021

গভর্নর অ্যাল্ডু এম. কুওমো

গভর্নর কুওমো কায়ুগা কাউন্টিতে স্থিতিশীল প্রকল্পে নির্মাণ কাজ শুরুর ঘোষণা দিয়েছেন

*রোডওয়ে উন্নয়নের জন্য স্টার্লিং টাউনকে 1.5 মিলিয়ন মার্কিন ডলার বরাদ্দ প্রদান করা হয়েছে;
যা নিরবচ্ছিন্ন আবাসিক ও জরুরি যানবাহন চলাচল নিশ্চিত করবে*

*লিটল সোডাস বে তে ড্রেজিং এর সমাপ্তি 15 মিলিয়ন মার্কিন ডলারের REDI আঞ্চলিক ড্রেজিং
কর্মসূচির অংশ*

*গভর্নর কুওমোর স্থিতিশীলতা ও অর্থনৈতিক উন্নয়ন উদ্যোগের অংশ হিসেবে প্রকল্পটির অনুদান
বরাদ্দ করা হয়েছে*

গভর্নর অ্যাল্ডু এম. কুওমো আজ 1.5 মিলিয়ন মার্কিন ডলারের একটি প্রকল্পের নির্মাণ কাজ শুরুর কথা ঘোষণা করেছেন, [যা স্থিতিশীল ও অর্থনৈতিক উন্নয়ন উদ্যোগের](#) মাধ্যমে কায়ুগা কাউন্টির স্টার্লিং টাউনকে দেওয়া একটি প্রকল্প। স্টার্লিং ভ্যালি ক্রিকের উপর ম্যাকইনটাইর রোড বহনকারী বিদ্যমান ডাবল কালভার্টটি স্টার্লিং ক্রিকের উত্তরে স্থানীয় বাসস্থান ও কৃষি সম্পত্তির জন্য একমাত্র অ্যাক্সেস রুট। 2019 সালের বন্যার ঘটনা কালভার্টের জলোচ্ছ্বাস ও কালভার্টের ইনলেট ও আউটলেট উভয়ক্ষেত্রেই সড়ক বেড়ি বাঁধের ক্ষয় ঘটায়। এই গুরুত্বপূর্ণ রাস্তাটি খোলা রাখতে, জরুরি মেরামত করতে হয়েছিল। এই প্রকল্পে অন্তর্ভুক্ত উন্নয়নগুলি নিরবচ্ছিন্ন আবাসিক ও জরুরি যানবাহনের চলাচল নিশ্চিত করবে।

এই প্রকল্পের প্রশমন ব্যবস্থার মধ্যে বিদ্যমান ডাবল ব্যারেল কালভার্ট অপসারণ অন্তর্ভুক্ত। কাঠামোটি 71-ফুট সিঙ্গেল-স্প্যান সেতুর সাথে প্রতিস্থাপন করা হবে। ভবিষ্যতের ক্ষয়ের বিরুদ্ধে কাঠামোটি রক্ষার জন্য পাথর পূর্বে আবরণগুলির সামনে ও উইংওয়ালগুলি বরাবর স্থাপন করা হবে।

"2019 সালে, অন্টারিও লেকের উপকূলে প্রবল বন্যার কারণে সড়কপথের কিছু অংশ পুরোপুরি পানিতে নিমজ্জিত হয়েছিল, ভ্রমণকে ঝুঁকিপূর্ণ করে তুলেছিল এবং কিছু ক্ষেত্রে জরুরি বন্ধ করতে বাধ্য করেছিল," **গভর্নর কুওমো বলেন.** "নিউ ইয়র্কবাসীদের নিরাপত্তা আমাদের প্রধান অগ্রাধিকার। REDI এর মাধ্যমে, আমরা নিশ্চিত করব যে যখন উচ্চ পানির ঘটনা ঘটবে তখন সড়কপথগুলি পরিষ্কার ও উন্মুক্ত থাকবে যা বাসিন্দাদের ও জরুরি যানবাহনের জন্য অব্যাহত নিরাপদ ভ্রমণের সুযোগ দিবে। আমরা কেবল ক্ষতিগ্রস্ত অবকাঠামো মেরামত করব না; আমরা নতুন করে পরিকল্পনা করব এবং আরো ভালো, শক্তিশালী ও আরো স্থিতিশীল করে তৈরি করব।"

"জলবায়ু পরিবর্তনের কারণে সাম্প্রতিক বছরগুলোতে অন্টারিও হ্রদ বরাবর কমিউনিটিগুলো বিধ্বংসী বন্যার সম্মুখীন হয়েছে এবং নিউ ইয়র্ক তাদেরকে ভবিষ্যতের জন্য আরো স্থিতিশীলভাবে গড়ে তুলতে সহায়তা করার পথে নেতৃত্ব দিচ্ছে," **লেফটেন্যান্ট গভর্নর ক্যাথি হোচুল বলেন।** "স্টার্লিং শহরে শুরু হওয়া এবং সম্প্রতি লিটল সোডাস উপসাগরে সম্পন্ন হওয়া স্থিতিশীল প্রকল্পটি কেবল ভবিষ্যতের বন্যার বিরুদ্ধেই রক্ষা করবে না, বরং গুরুত্বপূর্ণ সকপথে জননিরাপত্তা উন্নত করবে এবং নৌকাচালকদের জন্য নিরাপদ বিনোদনমূলক প্রবেশাধিকার নিশ্চিত করে পর্যটনকে উৎসাহিত করবে।"

এছাড়াও গভর্নর কুওমো 15 মিলিয়ন মার্কিন ডলারের স্থিতিশীলতা ও অর্থনৈতিক উন্নয়ন উদ্যোগের (Resiliency and Economic Development Initiative, REDI) আঞ্চলিক ড্রেজিং প্রকল্পের অংশ হিসেবে কায়ুগা কাউন্টির লিটল সোডাস বেতে ড্রেজিংয়ের কাজ শেষ করার ঘোষণা দিয়েছেন, যা জলপথের নিচ থেকে জমা হওয়া পলি অপসারণ করে যাতে জলপথের নৌযানের নিরাপদ চলাচল অব্যাহত থাকে।

লিটল সোডাস বে প্রকল্পটি প্রায় 6,000 কিউবিক গজ পলি অপসারণ করে, যা তখন সমুদ্র সৈকত পুনর্নির্মাণ ও সুরক্ষার জন্য নেভিগেশন চ্যানেলের পূর্ব দিকে উপকূলে জমা হয়েছিল।

স্টেট পরিবহন বিভাগের কমিশনার ম্যারি থেরেস ডোমিঙ্গেজ বলেন, "আমাদের স্থানীয় অংশীদারদের সাথে একসাথে কাজ করে, নিউ ইয়র্ক স্টেট এই ধরনের স্মার্ট, লক্ষ্যযুক্ত বিনিয়োগ করছে যা আমাদের বৈশ্বিক জলবায়ু পরিবর্তনের চ্যালেঞ্জগুলি মোকাবেলা করতে সহায়তা করবে এবং লেক অন্টারিও উপকূল বরাবর কমিউনিটি গুলিকে ক্রমবর্ধমান বন্যার জলের বিপদ হ্রাস করতে অনুমতি দেবে। REDI কর্মসূচিটি গভর্নর কুওমোর নেতৃত্বের একটি প্রমাণ এবং এটি নির্দেশ করে যে আমরা সবাই একসাথে কাজ করার সময় নিউ ইয়র্কবাসীরা কী অর্জন করতে পারে।"

সাধারণ পরিষেবা কার্যালয়ের (Office of General Services, OGS) কমিশনার রোঅ্যান ডেসটিটো বলেন, "আমাদের স্টেট সংস্থা ও স্থানীয় অংশীদারদের সাথে কাজ করে আমরা বিনোদনমূলক নৌকার নিরাপত্তা, এই অঞ্চলের পর্যটন অর্থনীতিকে সহায়তা ও গভর্নর কুওমোর REDI ড্রেজিং কর্মসূচির মাধ্যমে উপকূলীয় বন্য প্রাণীদের বাসস্থান উন্নত করার বিষয়ে আলোচনা করছি। গভর্নরের REDI উদ্যোগের অধীনে যে সমস্ত কাজ সম্পন্ন হচ্ছে তা অন্টারিও হ্রদ ও সেন্ট লরেন্স নদীর তীরে অতীতের বন্যায় সবচেয়ে বেশি ক্ষতিগ্রস্ত কমিউনিটিগুলিকে শক্তিশালী করছে এবং ড্রেজিং কর্মসূচিতে আমার এজেন্সির জড়িত থাকা এবং কৃতিত্বের জন্য আমি বিশেষভাবে গর্বিত।"

DASNY প্রেসিডেন্ট ও প্রধান নির্বাহী কর্মকর্তা রুবেন ম্যাকড্যানিয়েল III বলেন, "DASNY বন্যা থেকে কমিউনিটিকে রক্ষা করার জন্য এবং কায়ুগা কাউন্টির বাসিন্দাদের স্বাস্থ্য, নিরাপত্তা ও অর্থনীতি বাড়ানোর জন্য গভর্নর কুওমোর দৃষ্টিভঙ্গিকে সমর্থন করতে পেরে গর্বিত। টাউন অব স্টার্লিং রোডওয়ে উন্নতির মতো প্রকল্পগুলি নিউ ইয়র্কের ওয়াটারফ্রন্ট কমিউনিটির অবকাঠামো ও

অর্থনৈতিক প্রাণশক্তি রক্ষার জন্য স্টেট ও স্থানীয় কর্মকর্তাদের একত্রিত করার জন্য গভর্নর কুওমোর প্রতিশ্রুতিকে নির্দেশ করে।"

সিনেটর পামেলা হেলমিং বলেন, "REDI উদ্যোগের অধীনে স্টার্লিং শহরে যে বিনিয়োগ করা হয়েছে তা আমাদের উপকূলীয় কমিউনিটির অর্থনৈতিক স্থিতিশীলতা ও প্রবৃদ্ধির জন্য অবকাঠামোকে শক্তিশালী করার জন্য গুরুত্বপূর্ণ। এই প্রকল্পগুলি স্থানীয় বাড়ির মালিক ও ব্যবসা প্রতিষ্ঠানগুলিকে রক্ষা করে এবং পর্যটন কার্যক্রমকে সহায়তা করে যা স্টার্লিং ও কায়ুগা কাউন্টির জন্য অত্যন্ত গুরুত্বপূর্ণ। স্টার্লিং শহর, নিউ ইয়র্ক স্টেট ও REDI কমিশনকে ধন্যবাদ।"

অ্যাসেম্বলিম্যান ব্রায়ান ম্যানকটেলো বলেন, "যখন স্টেট স্থানীয় অবকাঠামোতে বিনিয়োগ করে তখন এটি কমিউনিটির সমস্ত বাসিন্দাদের জন্য একটি অর্জন। REDI কর্মসূচির মাধ্যমে, স্টার্লিং টাউন প্রয়োজনীয় তহবিল সুরক্ষিত করতে সক্ষম হয়েছিল, যখন এখনও স্থানীয়ভাবে অন্যান্য প্রকল্পে অর্থ সঞ্চয় ও প্রয়োগ করতে সক্ষম হয়েছিল। অন্টারিও হ্রদের বন্যার প্রভাব হ্রাস করতে সহায়তা করার জন্য ম্যাকইনটাইর রোড উন্নত করে, আমরা পার্শ্ববর্তী সম্পত্তি এবং রাস্তা, সেইসাথে অন্যান্য মোহনা ও ঝরনাগুলিকে সহায়তা সরবরাহ করছি। এই প্রকৌশলের প্রভাব কমিউনিটি জুড়ে তরঙ্গিত হবে। নতুন প্রকৌশল ক্ষয় সুরক্ষা প্রদান করবে, খারাপ কালভার্ট প্রতিস্থাপন করবে এবং প্রবাহের বেগ হ্রাস করবে। একটি স্টেট হিসেবে আমাদের কমিউনিটিকে রক্ষা করার দায়িত্ব রয়েছে এবং আমি বিশ্বাস করি যে এটি করার ক্ষেত্রে এটি একটি দুর্দান্ত পদক্ষেপ। এই প্রকল্পের সাথে জড়িত সকলকে ধন্যবাদ।"

টাউন অফ স্টার্লিং সুপারভাইজার স্কট ক্রফোর্ড বলেন, "গুরুত্বপূর্ণ ম্যাকইনটাইর রোড প্রকল্প (McIntyre Road project) এর জন্য নিউ ইয়র্ক স্টেটের সাথে অংশীদারিত্ব করতে পেরে আমরা গর্বিত। গভর্নরের REDI কর্মসূচির মাধ্যমে, উষ্ণ জলের সময় আমাদের যাতে রাস্তা বন্ধ করতে না হয় তা নিশ্চিত করার জন্য গুরুত্বপূর্ণ আপগ্রেড করা হবে। এই উন্নতিগুলি স্টার্লিং ও দর্শনার্থীদের বাসিন্দাদের রক্ষা করবে, নিরাপদ চলাচলের অনুমতি দিয়ে এবং জরুরি যানবাহনগুলি কলগুলিতে দ্রুত সাড়া দিতে সক্ষম তা নিশ্চিত করে।"

অন্টারিও লেক এবং সেন্ট লরেন্স নদীর তীরে বন্যার বর্ধিত নমুনার প্রতিক্রিয়ায় গভর্নর কুওমো উপকূলীয় কমিউনিটির স্থিতিশীলতা বৃদ্ধি এবং অঞ্চলের অর্থনৈতিক উন্নয়ন জোরদার করার জন্য REDI গঠন করেন। পাঁচটি REDI আঞ্চলিক পরিকল্পনা কমিটি যা আটটি কাউন্টির অংশগ্রহণে গঠিত, নায়্যাগ্রা ও অরলিন্স, মনরো, ওয়েইন, কায়ুগা ও ওসওয়েগো ও জেফারসন এবং সেন্ট লরেন্স, স্থানীয় অগ্রাধিকার, ঝুঁকিপূর্ণ পরিকাঠামো ও অন্যান্য সম্পদ ও জননিরাপত্তা সংক্রান্ত উদ্বেগ চিহ্নিত করার জন্য প্রতিষ্ঠিত হয়েছিল। REDI কমিশন বাড়ির মালিকদের সহায়তার জন্য 20 মিলিয়ন মার্কিন ডলার, ব্যবসায়ের রেসিলিয়েন্সির জন্য 30 মিলিয়ন মার্কিন ডলার এবং আঞ্চলিক ডেজিংয়ের জন্য 15 মিলিয়ন মার্কিন ডলার বরাদ্দ করেছে যা REDI এর আটটি কাউন্টির প্রত্যেকটির উপকার করবে। অবশিষ্ট 235 মিলিয়ন মার্কিন ডলার, স্থানীয় এবং আঞ্চলিক প্রকল্পগুলির জন্য বরাদ্দ করা হয়েছে যা REDI মিশনের দৃষ্টান্ত এবং এটিকে অগ্রসর করে।

গভর্নর কুওমোর নির্দেশে, REDI কমিশন অন্টারিও হ্রদে বন্যার কারণে ক্ষতিগ্রস্ত এলাকা পরিদর্শন করে এবং স্থানীয় কমিউনিটির সাথে কাজ করে যাতে ভবিষ্যতের জন্য অর্থনৈতিক দৃষ্টিকোণ থেকে আরো ভালো এবং শক্তিশালী হয়ে গড়ে তোলার জন্য উপকূলের জন্য একটি নতুন লক্ষ্যমাত্রা তৈরি করা যায়।

2019 সালের বসন্তে গভর্নরের REDI কর্মসূচি তৈরির পর থেকে 133টি REDI এর অর্থায়নে স্থানীয় ও আঞ্চলিক প্রকল্প চলছে, যার মধ্যে পরিকল্পনা পর্যায়ে 100টি প্রকল্প, নির্মাণ পর্যায়ে 17টি প্রকল্প এবং 16টি প্রকল্প সম্পন্ন হয়েছে।

অতিরিক্ত তথ্য, প্রকল্পের প্রোফাইল ও REDI-এর সংবাদ [এখানে](#) পাওয়া যাবে।

###

আরো সংবাদ পাওয়া যাবে এখানে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)